

Pyrimidine Metabolism

السلام عليكم ورحمة الله وبركاته .. بِسْمِ اللَّهِ الرَّحْمَنِ الرَّحِيمِ

هنكمل ال Pyrimidine Nucleotide Synthesis

المرّة اللي فاتت اتكلمنا عن ال de novo synthesis، المرة دي هنتكلم عن ال salvage system.

ال pyrimidines وال pyrimidine nucleosides؛ كيف نحولهم ل nucleotides؟

لو عندي ال pyrimidine نفسه يبقى عمله **Phosphoribosylation** وده بالنسبة لنا تقريبا مايبحصلش. مادام وصلنا لل pyrimidines نفسهم يبقى هنكمل تكسير.

ولكن فيه pyrimidine derivative مش **natural** اسمه **5-Fluorouracil (FURA)** وده بنستعمله كـ **anticancer drug**، وهو ده اللي actually ممكن نعمله salvage وأضيفه ribose و phosphate جايين من PRPP ويتحول لـ **5-Fluoro-UMP** بال **Orotate Phosphoribosyl Transferase** enzyme (**OPRT**) ويطلع طبعا **PPi**.

ال 5-Fluoro-UMP هو اللي بيعمل بعد كده **inhibition** لـ **Thymidylate Synthase** وبالتالي يقلل بناء ال dTMP وال dTTP فيقل بناء ال DNA.

ال nucleosides بقى هم اللي بيحصلهم salvage، يعني لو عندي **Uridine** أو **Cytidine** هيتحولوا لـ **UMP** أو **CMP** عن طريق enzyme مشترك اسمه **Uridine-Cytidine Kinase** وبيستعمل ATP كـ phosphate donor ويطلع **ADP**.

ال **Deoxythymidine** ياخذ phosphate من ال ATP ويتحول لـ **dTMP** وال enzyme اسمه **dThymidine Kinase** "ساعات بنسميه Thymidine Kinase وبس تجاوزا باعتبار إن عادة ال thymine شابك في deoxyribose".

ال **Deoxycytidine** يتحول لـ **dCMP** بال enzyme **dCytidine Kinase** وبردو يستعمل ATP.

نتكلم بقى عن ال Regulation of Synthesis of Pyrimidine Nucleotides

- ال **Carbamoyl phosphate Synthase II (CPS II)** هو اللي عليه معظم ال regulation في ال mammalian cells، وهو activated بـ **PRPP** و **ATP** و inhibited بـ **UTP** وده نوع من ال end product (feedback) inhibition بالنسبة لل **prokaryotes** ال **CTP** بيبقى ال **inhibitor** لـ **Aspartate Transcarbamoylase**.

- ال **CTP Synthetase** بيبقى inhibited بـ **CTP** وده feedback inhibition عشان مايتكونش **CTP** كتير بدون داعي ويبقى فيه balance بين كمية ال **CTP** وال **UTP**.

بعد كده هنتكلم عن ال **Catabolism of Pyrimidine Nucleotides**..

VISIT...

LANZAROTE
Caliente.COM

لو كان ال pyrimidine ده **Cytosine** "خدوا بالكو ده ال pyrimidine الوحيد اللي فيه amino group"؛ يحصله **deamination** بال **Hydratase**؛ هنحط H_2O ونشيل ammonia ويتحول لل other pyrimidine **Uracil**.

ال **Thymine** وال **Uracil** بقى هيحصلهم تغيرات شبيهة جدا ببعضها فهنمشي في الاتنين سوا. وخدوا بالكو إن الخطوات دي عكس ال **synthesis**.

أول حاجة هنعمل **reduction** لل **Uracil** يتحول ل **Dihydrouracil** ولل **Thymine** يتحول ل **Dihydrothymine**، هيدخل $NADPH, H^+$ ويطلع $NADP^+$. "في ال **synthesis** كان العكس؛ كنا بنحول ال **Orotate** ل **Dihydroorotate** مش **uracil** عشان كان فيه **carboxyl group** زيادة".

بعد كده هنكسر في نفس المكان اللي شبكناه أثناء ال **biosynthesis** بين **3 number N** و **4 number C** بإضافة H_2O بال **Hydrolase**. والناجح هنا أصبح **N-carbamoyl-β-Alanine** في حالة ال **dihydrouracil** و **N-carbamoyl-β-aminoisobutyrate** في حالة ال **dihydrothymine** لأن فيه CH_3 زيادة. "ال β -Alanine يعتبر **(3C) propionic acid derivative** لو فيه **carbona** زيادة و **branched** فهيبقى **"isobutyric acid derivative"**.

هنشيل بعد كده ال **carbamoyl radicle** على هيئة CO_2 and NH_3 وبتفضل **β-Alanine** و **β-** **Aminosobutyrate** اللي هيحصلهم **deamination** وباقي ال carbon skeleton يتكسر على هيئة CO_2 . يبقى **finally** إيه ال **Urea**؟ end product of pyrimidine catabolism، لأن ال ammonia دي هنتحول ل **urea**.

أحيانا ال **β-Aminosobutyrate** يزيد شوية في الدم وينزل في ال urine ودي بنسميها **β-Aminosobutyric Aciduria**. ودي أسبابها:

- يا إما إن **deamination** بتاع هذا ال compound مايبحصلش وده ينتج عنه the most severe **β-Aminosobutyric Aciduria**.
- يا إما ده يبقى نتيجة **increased DNA turnover** يعني زيادة بناء وتكسير ال DNA يعني زيادة بناء وتكسير الخلايا. طب إشمعنى ال DNA مش ال RNA مع ال **RNA turnover** أعلى بكثير من ال DNA؟ لأن ال **β-Aminosobutyrate** جاي من ال **thymine catabolism** اللي موجود في ال DNA بس. وده بيبقى في حالات ال **Leukemia, Cancer chemotherapy and Radiation therapy**.

طيب أحيانا يزيد ال **orotic acid in urine** ويبقى اسم ال **condition**: **Orotic Aciduria**. إيه أسبابها؟

- لو ال **Orotate Phosphoribosyl Transferase (OPRT)** enzyme وال **OMP Decarboxylase** ناقصين (**Type I**) أو ال **decarboxylase** بس اللي ناقص (**Type II**) "وهو في الواقع عادة الاتنين موجودين in one unit وبنسميه **UMP Synthase**"، ودي **Hereditary Orotic Aciduria**.

- العلاج بال **Allopurinol**: لأنه بالإضافة إلى إنه **inhibitor** لل **Xanthine Oxidase** فهو بيستهلك ال **PRPP** "ودي اسمها **Acquired Orotic Aciduria**".
- نقص ال **Ornithine Transcarbamoylase**: وده كان في ال **urea formation**، ونقصه بيعمل **hyperammonemia**. وكمال ال **Carbamoylphosphate** هيزيد في ال **mitochondria** وهيروح لل **cytosol** ويتم استعماله في ال **de novo synthesis of pyrimidines**، وبالتالي هتزيد ال **pyrimidines** بما فيهم ال **Orotic acid**.

طب إيه مظاهر ال Orotic Aciduria؟

- ◀ يقل بناء ال **pyrimidine nucleotides** فيحصل **retardation of growth** and **severe anemia**.
- ◀ **Excess orotic acid in urine**.

نعالجه إزاي؟

- ندي **Oral Uridine**، وده إلى حد ما **absorbed** وهيصله **salvage** بال **Uridine-Cytidine Kinase** ويتحول ل **UMP** وده هيغني عن ال **de novo synthesis of pyrimidine nucleotides**.
- ويبقى كده خلصنا ال **Pyrimidine Nucleotide Metabolism**.

Synthetic Base Analogs Used In Chemotherapy

يعني إيه **Analog**؟ يعني شبيه.

فدي مركبات شبيهة بال **purine and pyrimidine nucleotides** ولهم 4 استعمالات رئيسية:

1. Chemotherapy of Cancer:

"**6-Mercaptopurine, 5-Fluorouracil and Cytosine arabinoside**"

لأنهم بيحلوا محل ال **purine or pyrimidine nucleotides** وبالتالي الجسم يستعملهم خطأ في تصنيع ال **DNA** وبالتالي يحصل **damage to the DNA which can't be corrected** لأن إحنا بنديهم **in relatively large doses** وبالتالي هيؤدي إلى **death of cancer cells**.

2. Treatment of Viral Infection:

"**Acycloguanosine and 3'-azido-3'-deoxythymidine**"

زي ما إحنا عارفين ال **virus** عبارة عن **DNA** أو **RNA**؛ ده الأساس في ال **virus** وحواليه حاجات مكملة فقط. وتكاثر ال **virus** معناه تكاثر ال **DNA** وبالتالي لو منعنا تكاثر ال **DNA** ال **virus** لن يتكاثر. يعني حتى ال **RNA-viruses** يا ولاد عشان تتكاثر لازم تتكاثر عن طريق ال **DNA**، ليه؟ لأن **RNA Replication** مافيش.

3. Immunosuppression:

"Azathioprine"

هيققل سرعة تكاثر ال immune system (ال T & B Lymphocyte) وده بنستعمله في حالة ال .autoimmune diseases

4. Treatment of Gout:

"Allopurinol"

نتكلم عنهم بقى بشوية تفصيلات...

1. 6-Mercaptopurine: ده بالضبط زي ال adenine ما عدا إن فيه SH في C6 بدل NH₂. والمركب ده بيبقى salvaged بال Hypoxanthine-Guanine Phosphoribosyl Transferase (HGPRT) فيضيف عليه ribose و phosphate و يبقى Ribonucleotide وده بيعمل inhibition ل:

- PRPP Amidotransferase فيقلل تصنيع ال purine nucleotides.
 - Adenylosuccinate (AS) Synthetase اللي بيصنع ال adenine nucleotide.
 - IMP Dehydrogenase اللي بيصنع ال guanine nucleotide.
- وبكده بيقلل بناء ال purine and pyrimidine nucleotides فيقلل بناء ال DNA وبالتالي بيشتغل .as anticancer drug

2. 5-Fluorouracil (5FU, FURA): لسه قايلين عليه من شويه، وده salvaged بال OPRT لأنه pyrimidine ويتحول ل 5-FluoroUMP وده inhibitor ل Thymidylate Synthase يبقى هيققل ال replication. وفي نفس الوقت هيتحول إلى ال (FUTP & FdUTP) triphosphate ودول يخشوا في تركيب ال DNA & RNA طبعاً بالخطأ وبالتالي يقللوا ال replication وكمال ال removal of introns of RNA يعني بيوظوا ال RNA خالص. وده بيستعمل أساساً ك anticancer ولكن ممكن كمان ك antiviral.

3. Cytosine Arabinoside (araC): عبارة عن nucleoside متكون من Cytosine شابك فيه arabinose بدل ribose وده الفرق بينه وبين ال Cytidine (Cytosine Riboside) وده بال Deoxycytidine Kinase يتحول إلى (AraCMP) nucleotide ثم AraCTP ويخش في تركيب ال DNA ويلخبطه وبيعلم competition مع ال dCTP في تصنيع ال DNA وفي الآخر يؤدي إلى inhibition of replication.

4. Acycloguanosine (Acyclovir): مكون من Guanine مش شابك فيه sugar ولكن اللي شابك فيه ده كأنه جزء من ribose، يعني كأنه ribose ناقص الحقة ال كانت مكملة ال ring structure بتاعة ال ribose اللي هي C2 و C3، وبما إن مافيش ring structure فبنسميه acyclo. وال viral

enzymes بتفتكره guanosine وتشتغل عليه. وده بيستعمل لل viral infection بس ومش أي viral infection، بيستعمل في ال **Herpes Simplex** وده بيطلع حبوب حوالين الفم وممكن أماكن أخرى من الجسم زي ال genitals، وال **Chicken Pox** وده هو هو ال virus بتاع مرض آخر اللي هو ال **Herpes Zoster** بس بي affect ال dorsal root ganglia. وال acycloguanosine ده ميزته إنه مش هيشغل عليه غير الخلايا اللي فيها viral infection؛ *الخلايا العادية لن تتأثر به*، لأن اللي بيعمله metabolism هو ال **Viral Thymidine Kinase**. ويحوله إلى **acycloGMP** ويتضاف عليه phosphate فيتحول ل **acycloGTP** وده بقى اللي هيخش في تركيب ال viral DNA وبالتالي يقلل ال viral replication، ليه؟ لأن مافيهوش ال Carbon نمرة 3؛ ال OH 3' مش موجودة ودي لازمة لعملية ال replication وال transcription كذلك.

5. **Azidovudine (3'-azido-3'-deoxythymidine)**: عبارة عن Thymine شابك في deoxyribose يعني Deoxythymidine عادي ولكن في 3' حطينا N_3 . ده مش موجود عندنا في الكتاب ولكنه من أوائل وأهم علاجات ال **HIV**.

6. **Allopurinol**: جزئيا بيتحول ل **Oxypurinol** ومايقدرش يتحول ل uric acid زي ما قلنا قبل كده. وال **Allopurinol & Oxypurinol** بيعملوا **competitive inhibition** ل **Xanthine Oxidase**، فال Hypoxanthine مش هيتحول ل Xanthine ولا ال Xanthine هيتحول ل uric acid وبالتالي يقلل ال uric acid production. إيه كمان؟ ال **HGPRT** اللي بيعمل salvage لل **allopurinol** بيستهلك ال **PRPP** اللي هو لازم لبناء ال **purine nucleotides (de novo or salvage)** وبكده يقلل بناءهم. "طبعا عدم استهلاك ال **PRPP** في ال salvage ده مش مصلحة ليا لأنه هيزود ال uric acid ولكن في المقابل ال **de novo** كمان هيقول وكمان تحويل ال **adenine** وال **guanine** ل uric acid هيقول".

Metabolic Integrations

أول عنوان هنتكلم فيه هو ال Starve-Feed Cycle.

طبعا معظم ال animals مش continuous eaters، لكن إحنا محتاجين نواتج الطعام باستمرار رغم إنها مش بتقدم لينا باستمرار، وبالتالي أثناء ال feeding بنخزن الأكل اللي أخذناه زيادة عشان ينفعنا وإحنا صايمين.

إحنا في المتوسط بناكل في اليوم:

50 - 300 gm of carbohydrates

50 - 100 gm of proteins

50 - 150 gm of fats

ودول عادة بيدوني **1600 - 3000 kcal/day**

في ال Fed state بنعمل إيه؟

المواد دي بنخزنها على هيئة **glycogen** و **TAG**، طبعا ال carbohydrates بنخزنها على هيئة glycogen ولو لسه فيه زيادة بنخزنها على هيئة TAG.

طب وال fats؟ بنخزنها as TAG كما هي مابحولهاش ل glycogen لأن إحنا عارفين ال fats مش بتدي glucose إلا ال glycerol part of fat؛ إنما أثناء ال feeding مش بحوله ل glycogen، أنا بكسره؛ مافيش gluconeogenesis.

وال proteins؟ عادة مش بتبقى كتيرة للدرجة دي إنما جزئيا ممكن تتحول ل glycogen، ال glucogenic amino acids تدي glucose وال glucose يدي glycogen، ونظريا ممكن تتحول ل TAG.

طب في ال fasting state يحصل إيه؟

ال stores of carbohydrates and fats بيتدوا يتكسروا ويدوني $\text{CO}_2 + \text{H}_2\text{O}$ ، ولو كانت ال proteins اتكسرت تديني urea. وال energy اللي طالعة من هذا التكسير؛ طبعا باستخدام ال O_2 ك oxidizing agent يستعملها لتحويل ال $\text{ADP} + \text{Pi}$ إلى ATP.

ده كده باختصار ال starve-feed cycle.

بنقسم ال starve-feed cycle إلى 4 مراحل:

1. **The well-fed state (Absorptive state)** ودي بتستمر من **2-4 h** بداية من الأكل يعني من 0

حسب كمية ونوع الأكل.

2. **The early fasting state (Postabsorptive state)**: بعد ال 4 ساعات، بس عادة ماينحبش نعمل overlap فهنقول من 5-12 h. اسمها postabsorptive لأن ال absorption تم خلاص؛ لا يزيد ال absorption عن 4 ساعات.

3. **The fasting state (Starve state)**: ودي بقى **ما بعد ال 12 ساعة إلى عدة أيام**.

طيب ابتدينا ناكل تاني، هندخل في well-fed state؟؟ لأ.

4. **The early refed state**: ودي أول جزء من ال well-fed state ودي غير محددة ممكن نقول **أول نص ساعة - ساعة**.

هنبدأ الكلام عن ال well-fed state..

ودي بتتميز إن فيه عندي أكل كتير including carbohydrates وبالتالي ال major source of energy to the body بيكون carbohydrates (blood glucose). ال Blood Glucose هو ال main source of energy to all cells.

ال excess glucose اللي جه من الأكل ده يؤدي إلى زيادة إفراز ال insulin وتقليل إفراز ال glucagon. وده هيوذي إلى إن ال blood glucose مايعلاش أوي على قدر الإمكان مع إنه كده هيزيد، إزاي؟

لأن ال insulin بيساعد على استعمال ال glucose بكل الطرق including ال uptake by tissues، oxidation by Embden–Meyerhof and HMP pathways، تحويل ال glucose إلى glycogen بتنشيط ال glycogen synthase، تحويل ال glucose ل fat (lipogenesis).

وفي نفس الوقت زيادة ال insulin ونقص ال glucagon سيؤدي إلى نقص إنتاج ال glucose بتقليل ال Glycogenolysis and Gluconeogenesis.

والتفصيلات خدناها قبل كده في ال carbohydrates metabolism وال insulin.

يعني مثلا إزاي ال insulin بيزود ال uptake of glucose؟؟

بيزود انتقال ال GLUT-4 من ال ER إلى ال plasma membrane في ال muscles وال adipose tissue وإلى حد ما في ال heart.

طب وفي ال liver؟؟ بيعمل induction لل glucokinase اللي بيحول ال glucose ل glucose 6-phosphate وبالتالي يقلل تركيز ال glucose داخل الخلية فيدخل ال glucose بسرعة.

طبعا كل الكلام ده قلناه قبل كده.

ونكمل المرة الجاية إن شاء الله..